

AOS GRUPOS POLÍTICOS DA CORPORACIÓN MUNICIPAL DO CONCELLO DE PONTEVEDRA

PARA PRESENTACIÓN E DEBATE EN PLENO

Os abaixo asinantes, na representación que se cita, propoñen aos Grupos Municipais para que presenten ao Pleno da Corporación, para debate e resolución, a seguinte proposta:

Exposición de Motivos

Sobre a importancia do sector do mar de Galicia na economía local

O sector do mar de Galicia é estratéxico na economía local, polo emprego directo que xera: mariscadoras a pe, bateiros, marifeiros, mariscadores a flote, etc. constitúen un amplísimo colectivo que ten o seu medio de vida no mar. Con empregos estables, tamén en épocas de crise, porque están menos expostos ao ciclo económico -ao contrario do que acontece noutras actividades-. o sector do Mar representa o 4% da produción total da economía galega e dá traballo, directo ou indirecto, a miles de familias.

Tamén é un sector estratéxico na economía local polo emprego que induce en diversas actividades en terra:

- Empresas destinatarias dos nosos produtos (depuradoras de moluscos, cocedoiros, conserveiras, centros de conxelación e pasteurización, procesadores, comercializadores)
- Empresas proveedoras de servizos e suministros (estaleiros, cordelerías, carpintería, montaxes e maquinaria)
- Actividades auxiliares e de apoio, como transportes, centros de investigación, formación e control do medio mariño, etc.

Á importancia económica do sector do mar únese ao valor social que adquiere nos municipios costeiros, xa que ten a capacidade de irradiar beneficios socioeconómicos a amplias capas da poboación, o que o converte nun mecanismo de distribución e reparto de riqueza no entorno local que incentiva a implantación de actividades e pequenos negocios.

Asemade, ten unha enorme contribución cualitativa, dende o punto de vista etnográfico e gastronómico, a un dos sectores que actualmente presenta un maior desenvolvemento económico: o turismo. O turismo en Galicia está baseado en tres piares: a catedral compostelán, a etnografía/paisaxe e a gastronomía.

Así pois, a fortaleza do sector do mar de Galicia está tamén na paisaxe que as actividades do mar deseñan nas rías: as bateas, as embarcacións de pesca e o marisqueo tanto a flote, como a pe nas praias. É ao resultado desas actividades con peixes e mariscos ao que os consumidores outorgan alta estima e prestixio, pois forman parte da excelsa gastronomía de Galicia.

Ninguén dubida de que todos os negocios grandes e pequenos vencellados á actividade turística, directa ou indirectamente, deben boa parte da súa actividade económica ao sector do mar de Galicia.

Sobre o anteproxecto de Lei de Acuicultura de Galicia

O pasado 1 de outubro, o Consello da Xunta iniciou a tramitación do Anteproxecto de Lei de Acuicultura de Galicia, sen un diálogo previo cos sectores produtivos do mar. Saíu a exposición pública no Diario Oficial de Galicia do 19 de outubro, por prazo dun mes e, posteriormente, ese prazo ampliouse ata o 15 de decembro do 2015 polas protestas orixinadas.

Primeiro foi elaborada a ESGA (Estratexia Galega de Acuicultura) que, segundo propia definición, é un documento de estratexia e orientación política. Agora este Anteproxecto de Lei de Acuicultura incorpóraa e dalle rango normativo de obrigado cumprimento.

Entre outros elementos o Anteproxecto de Lei de Acuicultura contempla:

- Plan de Ordenación da Acuicultura Litoral en Terra, que establece:
 - que os propietarios de terras que se neguen a vender serán expropiados a favor das empresas de acuicultura intensiva
 - privilexio de eliminar a necesidade de informe previo de incidencia ambiental e a posibilidade de instalar plantas acuícolas en espazos
 - naturais protexidos
 - a imposibilidade de que os Concellos poidan decidir sobre a implantación de ditas industrias por seren consideradas de incidencia supramunicipal.
- Plan de Ordenación de Cultivos Mariños, que establecerá para cada zona das Rías as especies a cultivar e o tipo de gaiola/batea a utilizar.

De se aprobar como Lei, consolida un trámite legislativo fraudulento e un engano á cidadanía, aos administrados, e tería como principais perxudicados á toda a xente do mar.

As autorizacións de marisqueo que pasen a ser acuicultura outorgaráselle unha concesión temporal e -como o resto das concesións- quedan obrigadas a producir uns rendementos mínimos, haberán de pagar os canons por superficie ocupada (con risco de viabilidade económica das confrarías) e terán que pasar as embarcacións á 4ª lista perdendo os permex de outras actividades, unha vía máis para a extinción da pesca tradicional e o marisqueo a pé ou a flote.

Todas as concesións, ao remate ou de non cumpriren os rendementos mínimos, saíran novamente a concurso público e serán concedidas con discriminación que favorece aos máis fortes, xa que obriga a competir á xente do mar contra multinacionais en criterios como maior solvencia económica, financeira e técnica.

Van privatizar o mar a favor das grandes empresas multinacionais.

A lei está deseñada para implantar a peixicultura intensiva a escala industrial e vai autorizar todo tipo de especies a cultivar, incluso foráneas ou exóticas, que poderían acabar sendo invasoras do medio natural.

Para a implantación da peixicultura intensiva, a Lei impulsa a Acuicultura Multitrófica Integrada-AMTI, técnica de cultivo que consiste nun monocultivo de peixe carnívoro (salmón, etc) que

utiliza especies extractoras (moluscos). Esta técnica busca reducir os niveis de contaminación xerados polas gaiolas de peixes co obxectivo de mellorar a súa imaxe pública na procura da aceptación pola sociedade e así, favorecer a súa implantación e a ocupación das augas das Rías.

Para garantir a implantación dos obxectivos da Lei establécese un réxime sancionador represivo e desproporcionado.

A aprobación da Lei e a implantación a escala industrial de gaiolas de peixes vai provocar diversos efectos negativos sobre o medio ambiente:

- Para producir un quilo de peixe precísanse entre 4 e 6 quilos de peixe salvaxe, o que vai supoñer a depredación das pesquerías.
- A contaminación das Rías está asegurada: excrementos e refugallos de peixes, de pensos, fármacos (vacinas, antibióticos) e produtos químicos (antiincrustantes, antiparasitarios), propagación de enfermidades e parásitos, etc. Contaminaranse as augas, afectarase á calidade e cantidade dos nosos recursos e deteriorarase a biodiversidade do medio mariño onde todos traballamos, que é patrimonio de todos os galegos/as.
- A contaminación de peixes e mariscos podería levar aparellada vedas "técnicas" ou a prohibición de actividades de pesca e marisqueo por razóns sanitarias.
- Asemade, a degradación do medio podería ter impacto directamente relacionado coas toxinas PSP, ASP e DSP.

Esta Lei defende intereses alleos e vai perturbar a convivencia tradicional e harmónica dos sectores do mar: mariscadoras, mariñeiros, parquistas, mexilloeiros, etc.

O Anteproxecto foi elaborado de costas á realidade e aos intereses das persoas que viven do Mar de Galicia. Ningún sector do mar está conforme coa Lei porque entende que está deseñada para desmantelar os sectores produtivos primarios, e empobrecerá as comarcas costeiras.

Ante o retroceso produtivo das Rías, o que precisan os sectores primarios son verdadeiras políticas estruturais que garantan:

- A calidade das augas do medio mariño,
- O afortalamiento do tecido produtivo e o potenciamento das actividades primarias incentivando a cooperación con liñas de apoio ao desenvolvemento colectivo.
- A recuperación da confianza dos consumidores e o fomento da demanda, e polo tanto da oferta de produtos do mar de Galicia, sans e naturais.
- O incremento do valor engadido dos nosos produtos, para que a riqueza quede aquí e non vaia para fóra.
-

Por todo isto, os distintos sectores do mar de Galicia temos solicitado á Consellería do Mar a retirada do anteproxecto de Lei de Acuicultura de Galicia e propoñemos que o Pleno Municipal acorde:

1.-Instar á Consellería do Mar á retirada do Anteproxecto de Lei de Acuicultura de Galicia, e ao Consello da Xunta de Galicia para que rexeite dito Anteproxecto de Lei de Acuicultura de Galicia.

2.-Remitir o texto do acordo acadado polo Pleno Municipal a:

- Confraría de Pescadores de Lourizán.
Rúa do Areal, 6 – Lourizán
36910 Pontevedra
- Confraría de Pescadores de Pontevedra
Rúa da Pontenova, 31 – 1º
36003 Pontevedra
- Confraría de Pescadores de Raxó
Rúa da Igrexa, 18 - Raxó
36992 Poio


En Lourizán, Pontevedra a 21 de xaneiro do 2016

D^a M^a Carmen Vázquez Nores titular do DNI. 35308466Q, con domicilio a efectos de notificación en Rúa do Areal, 6 – Lourizán, 36910 Pontevedra, en nome propio e en representación da Confraría de Pescadores de Lourizán, con CIF G36015253.

Asdo.: 
36910 Pontevedra

Tel: 986 880 245 / Fax: 986 891 667
confradia@confradialourizan.org

D César Rodríguez Piñeiro do DNI. 35301062H, con domicilio a efectos de notificación en Rúa da Pontenova, 31 – 1º, 36003 Pontevedra, en nome propio e en representación da Confraría de Pescadores de Pontevedra, con CIF V36016962.

Asdo.: 
36003 Pontevedra

D Iago Tomé Blanco do DNI. 44083379S, con domicilio a efectos de notificación en Rúa da Igrexa, 18 – Raxó, 36992 Poio, en nome propio e en representación da Confraría de Pescadores de Raxó, con CIF G36020261.

Asdo.: 

CONFRARÍA DE PESCADORES
SAN GREGORIO
CIF: G 36020261
Tel: 986 741 344
Fax:
Rúa da Igrexa, 18
Raxó - 36992 Poio
PONTEVEDRA